



Tuhaqtitaujuqhaq

Qilamik Tuhaqtitaujukhaq

Ikajuqhugit imakkut halumaqhinikkut igluqpait Nunavunmi

Kangiqtugaapik, Nunavut, (Qiqaijarluarvia 23, 2024) — Kavamatuqait maniliuliqtun \$2 milian taalamik akhurnaqtunik ihuaqhaidjutikhainnik imigianganik imainnarnik halumaqtirvikhanik iglukpangnin Nunavunmi. Una tuhaqtitaujuq Minista Dan Vandal unalu Nunavunmi Nunalingni Kavamatkunnilu Pivikhaqautikkut Minista David Joanasi.

Maniqhaaqhat atuqtauniaqtut piliuriami tuqhigutait nutaanguqtiriagani imait halummaqtirviit Kangiqtugaapingmi, Salliq, Iglulingmilu. Ilangatauq ihivriungniaqtut titiraujariami naliangniq, aqihhat nalautiqhamut, ajurnaktutlu pidjutit.

Imaalu, titiraujaqhimajut nappaktirinirmiklu nutaanguqtiriagani imait halumaqhiivit Ikpiarjungmi, Ausuittuq, Mittimatalik, Kangiqliniq, sanikiluarmilu hadja aullaqtiqtaaqut, malikhugit iniktirnia aadlat upalun'ngaijaqhimajut havauhiqhamut. Una havauhikhaq pijuuq atauttini maniqhaaqhamik kavamatuqainnit ukiuqtaqtumilu avikturvia kavamainnit.

"Ihuaqhainikkut aulapkainikkut talvauvukli nakuuhivalliajaami ukiuqtaqtungmiutanut' inuuhirinnarnikkut pidjutiunilu Nunavut nunallaanggit naupkariamingniq. Hapkua ikpingnaktut upalun'ngaiqhimajut havaaqhat tun'ngaviuniaqtuq havauhiqhat nakuuhivalliajaami piinnarnikkutlu imainnakturiami Nunavunmiunut. Ikajuqhimmaarniaqtugut havaarijaqhanut imaa pijaami aanniaqtailinirmun inuuhirinnaktumiklu Nunavunmiunut hivuliqtiptingnutlu."

- *Nan'ngarijaujuq Dan Vandal, Minista Ukiuqtaqtumi Kavamaliqidjutainni, PrairiesCan CanNor lu, pidjutigiplugu Nan'ngarijaujuq Sean Fraser, Minista Igluliqijitkunni, Aulapkaidjutikhanut Nunallaanullu*

"Una maniliurniq akhurnaqtunut upalun'ngaijainirmik havaaqhanut tunihiniaqtuq quvianaktumik hivunihaptingnut nakuuhivalliajaami imainnakturiami aulaupkaidjutaita Ukiuqtaqtumi nunallaangginut, havaagijauplunilu imaa pijaami Nunavunmiunut pijaamingnik qajarnaattumik iharianaittumiklu nunallaami imaktuutit. Una an'ngijuamik

aittutigijaujuq aqhuuqpaktaptingnut piliuriami hakugingniqhamik aanniarnaittumiklu Nunavunmi”.

- *Nunavut Kavamanga, Minista Nunalingni Kavamatkunillu Pivikhaqautikkut, David Joanasie*

###

Tuhaqtipkainikkut Uqaqatigivikhat:

Micaal Ahmed
Tuhaqtipkainikkut Atan'ngujaq
Havagvia Ministap Igluliqinikkut, Aulapkainikkut Nunallaanutlu
343-598-3920
micaal.ahmed@infc.gc.ca

Tuhaumapkainikkut
Aulapkainiqhatigun Kanatami
613-960-9251
media-medias@infc.gc.ca

Cyrone Cabatu
Nunalingni Kavamatkunillu Pivikhaqautikkut Tuhaqtipkaijiit
Nunavut Kavamanga
867-222-0954
CGSComms@gov.nu.ca